

永樂大典

二十

卷〇三六六 湖字

卷〇三六七 湖字

卷〇三七八 湖字

卷〇三七九 湖字

永樂大典卷之二千二百六十八

天湖

湖

春陵圖經志在寧遠縣麓林山外中有禽大如鴈錦羽尾長六

尺湖之東有石洞門外左右有石人立如尅劍云延平志一在

尤溪縣比蓮花峯之頂水色紺碧不知泉脉所自歲旱不竭其深莫測魚

鱉充牣人不敢取蓋有神物憑藉焉一在將樂縣東翠簾山上元一統志

在邵武縣平洒高山之頂南豐志在縣東四十里五藏巖之東一石山如

禾因仰望高踰數百仞周圍皆石攀躡而上至絕頂則坦平有水田數十

畝冬夏泉常不乾宋朱晦庵大全集立春大雪邀劉圭甫諸兄遊天湖

同雲被四野寒氣慘悲涼回風一以定密雪來飄揚時當冬候窮開歲五

日疆遂巷無與通陟此瓊臺同賓友既進隨兒童亦將攀躋得家頂徒

倚脚彷徨俯視千里空仰看萬鶴翔遠迷亂峯翠近失平林蒼偃薄瑩神

骨咀嚙清肝腸朗誦招隱作悲吟黃竹章古人

不可見來者誰能量且復記茲日他亦難忘

日湖

四明續志在寧波府城中東南

隅又曰

月湖

四明志在寧波府橫三百五十丈其衝四十丈周圍七百三十丈有奇中有橋二絕湖而過汀洲島峙凡十曰

柳汀曰雪汀曰芳草洲曰芙蓉洲曰菊花洲曰月島曰松島曰花嶼曰煙嶼曰竹嶼十洲二島大家多變置不可盡攷而景象猶存亭臺院閣隨方

面勢四時之景不同而女士游賞特盛於春夏飛蓋成陰畫船漾影殆無虛日湖之支流繚繞城市往往家映修渠入酌清泚又引之於州北鑿兩

池以停之溢潦泛濫則城之東北隅有食喉氣喉二壑以洩于江郡縣志在漢陽縣西五里臨川志在撫州府崇仁縣南十五里浮石山莊劉景文

詩陪霍沂州望月湖泛舟終日春湖泛畫船伴分遙邇上青天淨波全受樓臺影輕棹不驚鷗鷺眠分岸騎隨聞鼓吹公以謀有暇不作衆擁橋

人立望神仙雲煙滿眼歸時晚把酒論文意洒然

雲湖

元一統志在長沙府湘潭縣之西南六十里古名沿湖廣三十餘里有九

十溪八十四泉四山環繞中有鳥石泉俗傳有白龍居之故多雲氣因名雲湖宋胡寅斐然集遊雲湖衡湘久來佳眼到山輒對愛山真自性久

看眼未礙今朝渡石潭蘭棹亂青帶初升岸稍高忽喜地更大行行兩垣間沙路偕平快豁然見良疇小覓百里外涵溶趙家陀十頃疏幾漕人家

隔楊柳或映桑林皆連連麻麥墟雞犬遠鳴吠宛如京雒郊北望一慨
古城誰所築隱隱佳如嵬嵬好九家藏巧綴六寶在想其夸壯時宜念遠
連晦主人隴西生懇款共鮭菜墅前稼尤美彌壤黃雲曉雲湖從此遊日
暖風不憶循回靡遙登呀口駭滿沛是名湖西缺節縮有石埭舍與尚盤
陀漸見湖尾派孤蒲傍籬落獵獵村沽柳曳節大隄長隄址屹然塞胡床
羅四五植傘據其會恍若畫圖張彩筆窮物界滿奩開玉鏡萬象自清汰
乎光散鵝鷺沉影亂鱗介紛紛漁舟子點綴助姿態其心曾未閑詎比觀
者奉東頭輸寫處百丈走霜瀨匪爲碧泓深噓漱堪岑壤非茲兩雄竭何
以鎮橫潰尚云春水時雷注賂天贖田翁亦好事巨艇遙迎載山陰興則
同所訪何必戴招提有豪客置醴又相待歸途嗽鳥泉船首滯葭蒼朱樓
亦近止欲往思中貳利竿小鷺倚迥眺長嶺皆峰壁未可窮劫過陳家涇
幽尋何所得憩倦茂林最回船漾中流枵腹思勇蝦羽觴凡五舉銀鯽繞
一鱸山氓爭睨眦窺覩互驚推桃源果何似此地良足愛要當建亭樹聊
復藝瓜芥賞心浩無涯義馭慘欲退吾儕幸強健勝踐莫辭再人生貴歡
娛世俗苦埃塏黃君早交友聞善肯相誨楊君素疎豁爲善克自裁李君
更清苦有意飭組佩龐君知勉厲不但間便榮惟余真潦倒道退齒徒邁

從游亦何幸魚目懸明璫昔言采年春景物重華粹荷花十葉裝一一青
羅蓋蒼天沒大浸碧嶽盤芳謁遠陪鷗鷺群生芡結棹楫仍須少留宿倍
駕古所戒待鈎不求魚何用五十轄優哉復悠哉此
樂未爲太慈溪縣志在金川鄉任伺循築今廢爲田

星湖

元陳景仁
詩自星湖

遠解舍于駕湖舊有三賢堂 駕湖烟水隔星湖風月無邊兩不殊隣曲
三賢英氣在眼前一點俗塵無詩書飽讀心無愧朋舊相過德不孤試問
柳州休乞巧何

風湖

南海志在增城
縣西南三十里

江湖

紹興府志在上虞縣
西南五十里昔有尼

寺一夕陷於湖有寺鍾墮水底有見之頃歲旱涸車注垂竭忽見鍾鼻鄉
人共挽出之俄頃雷雨暴至鐘復沒杭州府志在葛嶺壽星寺外江內湖
一覽在目淳祐十年趙安撫與憲重創廣

山湖

雲南志在廣西府彌
勒州境湖方五十里

履危欄顯敞虛曠旁又爲兩亭可登山椒
內產大魚武陵圖經

河湖

金陵新志在城西南七十里周八里溉田
十頃無錫縣志在川東南七十里東四十

志在龍陽縣西北

里南北三里水深一丈從東七里通渭湖與平
江路熟州中分爲界臨川志河湖在臨川縣

沙湖

饒州府志一在
鄱陽縣一在餘

干縣元一統志東坡云黃州東南三十里為沙湖東坡買田其間見漁隱叢話沙湖舊為鎮兵廢清源志在晉江縣方圓長五里深一丈灌田三十餘頃蘇州府志在長川通湖永田至和塘以達于海臨川志在臨川縣廬江志在縣東南二十里周圍三十里跨兩鄉馮陽州志在州東二百四十里元許有士至正集沙湖道中 城居如生井出郭始知春草色繞翻砌禽聲便可人遠山來遞遙藏馬去遙巡鎮醒三年夢東華足軟塵元楊維禎香奩集過沙湖寄玉山伯仲 五月落殘梅子雨沙頭水高三尺澗大風開帆作弓滿白浪觸船如馬狂唱歌賣魚赤鬚老打鼓踏車青苧娘故人相見在樓下坐對玉山懷草堂鄭彥昭檣庵類藁過沙湖天陰添平野風急過沙湖堤樹千行度崑山一點孤程期思翔漢游賞負姑蘇何日能來此紅船載酒壺

土湖

鄱陽縣志在鄱陽縣宋彭汝礪鄱陽集土湖記 鄱陽城北土湖西南連大江東北枕平陸山阜重複稻田上

下土厚水深菱荇肥美有蒲有藻有芹有節魚鱉生之若大若小若浮若沉充物眺躍食息有所鷗鷺鴈鴈鳬鳬亦得其養如是數十百年人莫知其所始者去年江外還濱湖之民窮瘁不給予惟而問焉曰我之居是也水春而聚菱夏而生秋採其實既冬而漁日計不足歲乃有餘自子

孫取養於斯彼之生出無窮盡而我取之亦未嘗既有聚而謀者曰窮日之力所得幾何有術於此可以盡得衆喜而從之於是僞工並作空土成溝水性趨下不日而盡地枯澤竭物靡孑遺常時所得方之往昔十才一二民日益貧折腰梗檜所費不貲怨天尤人殆無所及終亦莫知所以然者予笑曰爾何異欲飲旨酒而重其欲不以禮取一息而竭復怨其無有惟爾下愚偏意偏見殘忍在中作爲機械捨遠取近窮欲趨利暴殄天物其應如此尚何惟哉夫天之於物也仁爾則不仁天之施物也欲無窮盡爾則盡之天道人事其理好還肇是謀者其終窮乎予今告爾悔過自新手夷諸蓄使復故常以網以罟取之以時弃小得大毋殄毋大以全物類以飲爾室家以長爾子孫庶幾仁心在焉天佑斯至豈直爲利哉洪造盤洲集波濤送客帆松竹園僧舍野趣望中來西湖當減價許

石湖

平延

繪詩湖山遠鍾鼎往往屬田舍公自得盤洲湖山買無價志在順昌縣北二十餘里雙巖雄峙溪流介其間深不可測下有盤龍政和間龍常現潭上僧義才晨登鍾樓見之紹興初復見湖之下有屯軍灘旁有三澗又其下有十里潭潭中有古槎秋高水清隱隱可見太平御覽神異經曰北方蒼外有湖方千里平滿無高下有魚長七八尺形狀如鯉

而甲亦畫在湖中夜化爲人判之不入責之不死以烏梅二七煮之即熟食之可以愈邪病又曰北方荒中有石湖方千里無凹凸上且結反下於交父平滿無高下岸深五丈餘恒冰唯夏至左右五六十日解耳元一統志在陸川縣東其水清潔上有山亦有石湖名鳳陽府圖經志在靈璧縣長沙府湘潭縣志在縣西廣二十餘里有九十九溪數溪貫之蘇州府志在吳縣西南十二里蓋太湖之一派范蠡所從入五湖者泰政范成大初別墅於此因越來溪故城隨地勢高下而爲亭榭植以名花而梅爲獨盛別築農圃堂對楞伽寺下臨石湖孝宗御賜石湖二大字成大作上梁文云吳波萬頃偶維風雨之舟越成十年因築湖山之觀又有北山堂千巖觀天鏡閣王雪坡錦繡坡說虎軒夢漁軒綺川亭明臨亭越來城等處以天鏡閣爲第一一時名人皆爲文詞以侈之乾道八年壬辰三月上巳周益公以春官去國與其兄必達過之成大置酒園中夜分留題壁間云吳臺越壘距盤門才十里而陸沉於荒煙野草者千七百年紫微舍人始初別墅登臨之勝甲於東南豈鴻臚子成功于此扁舟去之天闊絕景須苗蔣之賢者然後享其樂耶成愧謝曰公言重何乃輕許與如此益公曰吾行四方見園池多矣如薜林盤園尚乏此趣非甲而何冀氏紀聞云范公

文章政事震耀一世其地爲人愛重石湖西南一帶盡佳山水作園於其間願衆往往極修麗之觀春時士大夫游賞者獨以不到此爲恨猶洛中諸國必以獨樂爲重耳按石湖之名前此未甚著實自范文穆公始由是繪圖以傳宋崔宮教集石湖賦崔子問於石湖先生曰富貴人所願聞寂不可居位通顯者有洋洋之志處幽曠者懷戚戚之悲此人之常情也先生斧鍾鼎而不眴履軒冕而若遺居無墻宇之飾而丘壑以爲樂家無珠玉之玩而泉石以爲寶不已迂乎先生莞爾而笑曰子安知予之真樂哉寓形宇宙間身世同浮萍吾常委心任去留奚肯逐物而營營時乎見用則進而上紫微之掖一朝遇坎則退而歸石湖之耕方其余之在紫微未嘗忘江湖之夢及其余之耕石湖也益自覺公侯之輕蓋山林斯予之至樂而簪紱不能以揆情者也予嘗覽吾石湖之勝矣其地有殘壙故壘斷岸長雲彌迤延連緣曲幽深者越王之所城也東臨具區觀滄波之吞渺怒濤之軒轟風帆浪楫出滅煙雲者鷗夷之所經也西傍越溪見吳王之臺想夫千軍萬馬銜枚潛渡黃金白壁之殺化而爲荒萊南連橫山北睥亞字城樓觀相望翼乎崢嶸其地勢奇古如此自越迄今千五百歲霜露之所榮翳狐狸之所窟處至於登臨之要則不得而擇其所我乃被天

奧發地藏平夷土途殊蕪蕪荒伏萬象之偃蹇洗千古之凄涼築農圃湖山之觀聳碧城荒閭之丘岫悅納千峯之秀雲莊開萬壑之幽夜月兮蟾漁春風兮芳洲渺煙波兮鷗鷺適忘機之樂度雪橋兮龜魚聽柱杖之遊甘園中名至於水靜鷗立林幽鶴鳴漾湖光於几席占山影於臺亭花聚聚以昌披木欣欣其敷榮莖莖兮十里琅玕滿城其他幽芳奇觀間見層出又不可殫舉而悉名於是或命籃輿或淩輕舟或舒嘯以登臯或賦詩而臨流或極雲於嵒噪之頂或採月於澄泓之洲若乃浩蕩連空月華正中鑒秋毫於浮玉倒寒影於垂虹鼓棹踏松江之浪扣舷吟笠澤之風訪萼驪於漁父詰龍橋於江童此天下之至樂也其何得以加之在于聞之曰先生樂哉矛頭浙米劍頭之炊不如枕流漱石脫富貴之危機翻手作雲覆手作雨不如遁名絕俗與煙月爲侶先生樂哉雖然趨朝市者志於既倦而不知歸入山林者失於固蔽而不肯仕先生石湖之樂誠樂矣富如江上之清風山中之明月欣然接之可以寓意而不可以留意若曰抱其道而不施懷其材而不用必欲就閑逸樂幽隱爲將老之計此余所未取也於是作石湖招隱之歌歌曰清且此石湖之水高蘄巖石湖之山湖之中可釣可遊湖之側宜稼宜穡有美一人兮樂無涯朝出遊兮暮來

歸夷杖兮吳臺。維舟兮越溪。念夫君兮淹留。葦蕩芷兮芳洲。長松卧壑兮
風颭曉深。山紫王兮光彩。浮萬牛四頭兮。挽山丘五城一觀。兮樓必優。宜
規明堂兮。備前旌。去來兮石湖。不可以久留。范石湖大全集三月十
六日石湖書事三首。春事日已闌。暑陰正清美。拖筇入林下。秀練照衣
袂。虛橋梅子黃。櫻桃桑葢紫。荷依浪花顛。荷破苦色起。風日收宿陰。物色
有新意。隣曲知我歸。爭來問何似。病惱今有無。加飲日能幾。掀髯謝父老
哀雪已如此。種木二十年。手開南野荒。萬萬新歲月。依依舊林塘。汗菜
種下濕。奈薪騎衆芳。菱母尚能瘦。竹孫如許長。憶初學圃時。乃笠冒風霜。
今茲百不堪。裏帽人扶將。龍鍾數能來。猶勝兩相忘。湖光明可鑑。山色
淨如沐。閑心恒舊觀。愁眼快奇臨。依然北窓下。凝塵滿書簾。訪我烏皮几。
拂我青檀椅。荒哉賦遠游。幸甚逢初服。老紅錢餘春。衆綠自幽韻。好風吹
晚晴。斜照入疎竹。兀坐胎息勻。不覺清夢熟。清湘縣郊外。雜花盛開有
懷石湖。午行清湘縣。妍暖春事嘉。柴荆開桃李。冥冥一川花。故園豈少
此。愈此百陪加。我寧不念歸。願作失木鷗。百年北窓涼。安用天一涯。君思
重喬嶽。敢計征路賒。鄉心與官身。鑒伯方聳牙。猶袖走珍貢。何如紫袍瓜。
明當復露葵。天日臨幽遐。憺許清江使。曳尾還汗邪。與周子克侍郎同。

宿石湖 幽香襲蕙帳清夢安且吉華月隨蒼茫松風隱蕭瑟曉禽啄且
鳴喚我起盥櫛鉤窓納雲濤灑灑浴初日金鉦忽騰上倒影落書帙佳晴
有新課穠種催蓺林從今不得閑東郊草過膝 次韻馬少伊邵齊舉寄
示同遊石湖詩 蕪城老蘇不知春忽有柴門月色新芝草琅玕無鎖鑰
自無起俗扣門人 莫問朝歌與林津浮生惟有一杯春君看百戰功名
地越戍吳臺兩窖塵 鏡面波光倒碧峯半湖雲錦萬芙蓉去年蕩滌香
風裏行傍石橋花正濃 紅皺黃團熟著風甘瓜削玉藕玲瓏身謀已落
困丁後滿帽京塵日正中 兩賢風度謫春陽步履隨風上柳塘綠華紅
賤若徑裏句中挾我萬花香 得得來題小隱詩拂花繁柳盡船移湖邊
好景春猶未須到秋清月滿時 蒲酒王郎亦勝流今年何事阻清遊當
家風味今如此何負山陰夜雪舟王必大獨不赴三公同遊之約晚歸石
湖 何須駟馬眩鄉閭只作歸農老圃看夢裏曾腰綰結佩年來新著情
遊冠和煙種竹聊醫俗帶月聞蛙不在官久矣此心恬不動如今併與此
身安 次韻同年榜使君回自毗陵同汎石湖舟中見贈 客舫中流下
人家夾岸看落花堆錦暖吳菰鑊水寒莫厭清歌暫須知後會難小詩煩
本事任充絲毫端 曲誤不須顧客狂當好看日斜雙槳急風駛夾衣寒

瞻詭歸田樂休歌行路難石湖三萬頃何處覓憂端北渚來風渡西山
帶霧看袖竿嫌翠薄杯淺怯金寒宿雨收全易春醒醉却難且留行色住
重肯過蘇端將至石湖道中書事水綠鷗邊漲天青鴈外晴柳堤隨
草遠麥隴帶桑平白道吳新郭蒼烟越故城稍聞雞犬聞童僕想來迎
初歸石湖曉霧朝暄紺碧紅橫塘兩岸越城東行人半出梅花上宿鷺
孤鳴菱葉中信脚自能知舊路驚心時復認隣翁當時手種斜橋柳無限
鳴蜩翠掃空次韻徐提舉遊石湖三絕三徑荒蕪袖愧開錦車何事
肯徘徊春風想爲高人住落絮殘花好在哉日脚烘晴已破煙山頭雲
氣尚披綿却須多謝朝來雨洗淨明湖鏡裏天天上麒麟翰墨林當家
手筆擅文心欲知萬頃波中意但向三篇句裏尋次韻舉老見嘲未歸
石湖半世吟客舍柳長年憶後園花爲報廬山莫笑雲丘今屬誰家
千憲遣興家人謀過石湖雲日初收破柱雷小窻坐穩興悠悠煙爐花
氣朝醒醉茶鼎松風午夢迴謝客門閑風動竹惜春時節雨肥梅盡船破
浪一亦快聞道湖光如潑醅初約隣人至石湖以下辛卯自西掖歸吳
作窈窕岵岵學種園此生丘壑是前緣隔籬日出浮天水當戶山橫匝地
烟春入葑田蘆綻笋雨傾沙岸竹垂鞭荒寒未辨招君醉且吸湖光當酒

泉與游子明同過石湖。契闊相逢一笑歡。當年森桂共聯鶯。試談舊事。醒村酒。仍趁新晴。暖客鞍。梅粉都皴啼宿雨。柳黃不展。葉春寒。從今鼎多幽事。仍喜蛙聲不在官。
次韻同年楊廷秀使君寄題石湖。儀風當瑞九韶成。何事栖鶯。滯碧城。公還蕭然真吏隱。文名藉甚。更詩聲。句從月脇天心得。筆與冰醲雪腕清。書到石湖春亦到。半堤梅影。殺放生。半世輕隨出岫雲。如今歸作卧龍人。小山有賦。招游子。大塊無私。俠老身。禪版夢中千嶂晚。鬢絲風裏萬花春。新年杜鵑黃。滿膝醉田頭。紫領中。次韻蜀客西歸者來過石湖并寄成都舊寮。走遍埃塵倦鳥還。故鄉元在水雲間。黃梁飯裏夢魂醒。青蘗筵前身世閒。鷗鷺飛來俱玉立。松篁歲晚各蒼顏。岷峨交舊如相問。鐵鎖無局任客攀。壬辰七月十六日侵晨真率會石湖路中書事。白葛烏紗稱老農。溪南溪北水車風。稻頭的皪粘朝露。步入明珠翠網中。項乾道辛卯歲三月望夜與周子充內翰汎舟石湖松江之間。夜父歸宿農圃。距今淳熙己亥九年矣。余先得歸田。復以是夕泛湖。有懷昔遊。賦詩紀事。石湖花月浮春空。憶昔仙人共短蓬。三更半醉吹笛去。權入濕銀天鏡中。鶴鳴喚歸斗未沒。却步扶疎花底月。不知行到碧桃邊。但見天風吹積雪。月圓月缺今幾回。依舊滿湖金碧璫。

仙人還上玉堂宿。合有片時清夢來。一笑流光飛電抹蟬娥。相對兩愁絕。
桂枝應亦老無花。蟾兔不須疑鶴髮。周益公大全集次范至能憶同遊石
湖韻。己亥五月桃源非真亦非空。幾年誤轉漁郎蓬。豈知石湖天尺五不
隔三萬弱水中。主公心伴白鷗沒。莫莫朝朝醉花月。邇來一念了世緣。蟬
冕照人頭未雪。如今又作衣錦回。汀洲依舊玉成堆。聞道丹青憶賢佐。白
麻蚤晚從天來。斷章批處階重抹。敢向坐中論禮絕。个橋他日僅重陪。庶
見方瞳并綠髮。楊誠齋南海集聖筆石湖大字歌有序。淳熙聖人錫宴
臨遣端明殿學士叅政。臣范成大居守金陵。觴次肆筆作石湖二大字。賜
之。以寵其行。臣成大刻石以碑本分。賜小臣楊萬里。敢拜手稽首敬賦長
句。石湖仙人補天手。整頓乾坤屈伸肘。爾來化作懶卧龍。戴弄珠璣救
瓊玖。五雲萬里天九重。玉皇深拱蓬萊宮。豈無九虎守閭闔。北門半扉當
朔風。夜令雲師收風伯。鞭起卧龍湖底月。湖水卷上天中央。却煩北門護
風雲。仙人騎風來綠雲。玉宸殿上朝帝真。帝將北斗酌天酒。冰桃碧藕脯
麒麟。傳呼玉螭吸銀浦。點霜調冰澆月兒。灑成羲畫河洛。書白壁一雙浮
雨露。石湖二字天上歸。奎星壁宿落山扉。昭回下飾吳花草。姑蘇臺前近
太微。詩人不直一杯水。自是渠儂命如紙。教人妬殺石湖仙。手攬星辰懷

袖底陳郁謹借潘寒巖陳定軒遊石湖次定軒韻 貂裘減帽護寒生
馬端如坐席安自別石湖三月去又携玉友一盞看霜雁菊凋風裏測雨
淡蘆汀水渺漫欲寄吟懷須勝地千金同此買漁竿周南山房集石湖作
者看胃臆冷然接大荒雲漢收浩蕩海觀度含涼故國餘立豎春舩落艤
陽百年看俯仰越燕又空梁 遊石湖 曉日曛籠水霧開自吹清管過
湖來闌閣城下青青草又深裙腰上舞臺張鑑詩遊石湖 幾年飛夢越
來城試叩柴荆恰快晴松菊正酬閑客意烟波真似主人清黑頭處要方
行志綠野當年浪得名我亦鄰鄉植桑柘訪公非爲憶萼羹葉景文順通
堂吟葉石湖 千古湖山人物百年翰墨文章寂寞梅花開處一尊自醉
寒香江湖續集柯山毛珣元白石湖 一片湖光接薜蘿功名餘事屬吟
多至今魚鳥皆堪敬曾見烏巾照碧波程公許滄洲塵玉編范石湖東歸
過鄉園名之芙蓉城余以李夏未遊通荷花稱意紅之時鴈湖環湖尤甚
盛李子先家小池界金數朶花品之最髙者各紀以詩 振伏芙蓉城東
游香風十里勸人留瓦盆最恨廉泉陋歸與誇張定自羞左鄰城中不容
鑿池康泉堂下佳洲毛覺數十以我蓮耳芙蓉城下六月秋最好鴈湖潮
上游周遭一機雲錦爛併與老仙供唱酬 環湖曲曲露香清醉袖褰風

取意行。擬愛李園方沼碧，界金幾朵艷羞顏。看山莊公詩李與輔遊石湖
雨過春塘水，侵流喚船聊作石湖遊。水亭風檻一作巖居，川觀令餘幾
越壘吳臺相對愁。笑拂壁題如覩面，憶從鄉老話遊頭。不知化鶴曾歸否
更攜梅花一餉留。元陸子方集石湖留題三絕 仙子騎鸞不可呼，故園
花石久應蕪。不知綠野何人買，試問平泉有子無。高第詩壇擬越城，醉
呼揚陸主文盟。至今月下蒼苔石，時有先生杖屨聲。當年彬父遺詞臣
列戟旁，觀色怒嗔殺水曹。無歸壁日稽山已，有摸金人王沂詩石湖 我
愛湖上居，家家種楊柳。解識愁人心，門懸柳愁帚。國朝僧九臯，東臯錄過
石湖懷心覺元 湖波搖曳木蘭舟，山翠沾衣濕不收。浩蕩群漚回白日
虛空，一塔傲清秋。早春曾過松間寺，此日空瞻鶴外樓。寂愛參寥，好詩句
風蒲藕葉滿汀洲。僧來復詩游石湖蘭若詩五首 荷花蕩西湖水深上
有蘭若當高岑，客吟時見須鳥下。僧定不聞鍾磬音，雨香秋林橘子熟。雲
落空磧棠梨陰，閑來掃石坐竹裏。靜與山人論素心 五龍之峯雲作屏
雙崖削出芙蓉青，何人湖底拾瑤草。有客松間采茯苓，林風不驚虎卧石
山雨忽來龍聽響。吳王臺榭今寂寞，秋香薜荔花冥冥。潯公結樓湖上
居，泉香遶屋多衣渠。波神夜聽白傘咒，洞客時獻青囊書。豈無松花壓春